

REGIONAL NEWS

UNIT

ALL INDIA RADIO, AGARTALA

Date:25-05-2024

Time: 07.35-07.40 AM Hrs

BENGALI MORNING BULLETIN

Election 6th phase :

অষ্টাদশ লোকসভা নির্বাচনের ষষ্ঠ পর্যায়ে আজ ৫৮টি সংসদীয় আসনে ভোট নেওয়া হচ্ছে। এই পর্বে বিহারের আটটি, হরিয়ানার দশটি, ঝাড়খণ্ডের চারটি, দিল্লির সাতটি, ওড়িশার ছয়টি, উত্তর প্রদেশের ১৪টি, পশ্চিমবঙ্গের আটটি এবং জম্মু ও কাশ্মীরে একটি সংসদীয় আসন রয়েছে। সকাল ৭টা থেকে ভোটগ্রহণ শুরু হয়েছে।

আজ বরিষ্ঠ বিজেপি নেতা ধর্মেন্দ্র প্রধান, মানেকা গান্ধী, মনোহর লাল খাট্টার, সশ্বিত পাত্র, বাঁশুরি স্বরাজ, মনোজ তিওয়ারি, কংগ্রেস নেতা দীপেন্দ্র সিং হুডা, কুমারী শৈলজা, রাজ বব্বর এবং কানহাইয়া কুমারের পাশাপাশি সমাজবাদী পার্টির নেতা ধর্মেন্দ্র যাদব, পিডিপি প্রধান মেহবুবা মুফতি সহ বিশিষ্ট নেতাদের রাজনৈতিক ভাগ্য নির্ধারিত হবে।

TBSE-Result :

ত্রিপুরা মধ্যশিক্ষা পর্ষদ পরিচালিত উচ্চতর মাধ্যমিক, মাধ্যমিক, মাদ্রাসা ফাজিল এবং মাদ্রাসা আলিম পরীক্ষার ফলাফল গতকাল প্রকাশিত হয়েছে। এ বছর মাধ্যমিক পরীক্ষায় পাশের হার

৮৭.৫৪ শতাংশ এবং উচ্চতর মাধ্যমিক পরীক্ষায় পাশের হার ৭৯.২৭ শতাংশ। পর্যদ সভাপতি ড. ধনঞ্জয় গণ চৌধুরী গতকাল মধ্যশিক্ষা পর্যদ কার্যালয়ে এক সাংবাদিক সম্মেলনে এখবর জানিয়েছেন।

Nazrul Jayanti :

নজরুল জয়ন্তী উপলক্ষ্যে আজ সকালে আগরতলার নজরুল কলাক্ষেত্রে আয়োজিত কবি প্রণাম অনুষ্ঠানে কবির প্রতিকৃতিতে শ্রদ্ধার্ঘ্য নিবেদন করেন তথ্য সংস্কৃতি দপ্তরের সচিব পি কে চক্রবর্তী। দপ্তরের যুগ্ম সচিব অনুপম চক্রবর্তী ও সঞ্জীব চাকমাও প্রতিকৃতিতে শ্রদ্ধার্ঘ্য নিবেদন করেন। বিভিন্ন সাংস্কৃতিক দল এখানে নজরুল সঙ্গীত নৃত্য পরিবেশন করে।

Heatwave-Sonamura :

প্রাণীসম্পদ বিকাশ দপ্তরের সোনামুড়া মহকুমার সহকারী অধিকর্তা ড: সঞ্জয় দে গতকাল জানিয়েছেন, গ্রীষ্মের প্রচলিত দাবদাহ ও চলমান তাপপ্রবাহে মানুষের মতো প্রাণী তথা গৃহপালিত পশু-পাখিদের হিট স্ট্রোক হতে পারে। তিনি প্রাণী পালকদের পরামর্শ দিয়েছেন, দুপুরের দিকে যখন রোদের তাপ বেশি থাকে তখন তারা যেন তাদের গৃহপালিত পশুদের খোলা আকাশের নীচে বেঁধে না রাখেন। পশু-পাখিদের জন্য প্রয়োজনীয় পরিশ্রুত পানীয় জলের ব্যবস্থা রাখা, বাসি-পঁচা খাবার খেতে না দেওয়া ও নিচু ছাউনিযুক্ত ঘরে তাদেরকে না রাখারও পরামর্শ দিয়েছেন সহকারী অধিকর্তা।

CPIM Deputation :

বামুটিয়ায় সীমান্ত হাট নির্মাণ সহ নয় দফা দাবিতে গতকাল বামুটিয়া ব্লকের বিডিওর কাছে ডেপুটেশন দিয়েছে সিপিআইএম মোহনপুর মহকুমা কমিটি। ডেপুটেশনে উপস্থিত বিধায়ক তথা সিপিআইএম নেতা নয়ন সরকার অভিযোগ করেন, বিধায়ক উন্নয়ন তহবিলের কাজ ব্লকে ফাইল বন্দি হয়ে থাকছে। বিধায়ক উন্নয়ন তহবিল ব্যবহার করে এলাকার উন্নয়ন করার দাবি করেছেন তিনি। ডেপুটেশনে উপস্থিত ছিলেন সিপিআইএম নেতা দিলীপ দাস, খোকন দেবনাথ, সবিতা দেব প্রমুখ।

New criminal laws :

আইপিসি, সিআরপিসি, এবং এভিডেন্স অ্যাক্ট এই তিনটি ক্রিমিন্যাল ল এর পরিবর্তে নতুন করে যে ভারতীয় ন্যায় সংহিতা ২০২৩, ভারতীয় নাগরিক সুরক্ষা সংহিতা ২০২৩ এবং ভারতীয় সাক্ষ্য অধিনিয়ন ২০২৩ সংসদে পাশ হয়েছে তা আগামী পয়লা জুলাই থেকে সারা দেশে চালু হচ্ছে। এই বিষয় নিয়ে আজ এক স্বাক্ষাতকারমূলক অনুষ্ঠান শোনা যাবে বেলা ৩টা ১৫ মিনিটে আকাশবাণী আগরতলা কেন্দ্র থেকে। আলোচনায় অংশ নেবেন রাজ্যের এডভোকেট জেনারেল সিদ্ধার্থ শংকর দো। মূল অনুষ্ঠানের পরেই Air news agartala ফেসবুক ও ইউটিউবে অনুষ্ঠানটি শোনা যাবে।

Police :

গতকাল রাতে আগরতলা রেল স্টেশনে নাইন এমএম পিস্তলসহ দুজনকে গ্রেপ্তার করেছে জিআরপি থানার পুলিশ। রেল থানার ওসি তাপস দাস জানিয়েছেন, ধর্মনগরের দিক থেকে দুজন তো আগরতলা রেল স্টেশনে এসেছিল। ধৃতরা হল করণ দেববর্মা এবং প্রিয়া দেববর্মা। তাদের কাছে পিস্তল ছাড়া দুটি খালি ম্যাগাজিন উদ্ধার হয়েছে। ওসি আরো জানান, এই ঘটনায় অস্ত্র নিয়েছে মামলা নেওয়া হয়েছে। আজ তাদের রিমান্ডে আদালতে হাজির করা হবে।

Update Akashvani :

শ্রোতাবন্ধুরা, আকাশবাণীর সংবাদ সহ বিবিধ খবরের বিস্তৃত আপডেট পেতে লগ ইন করুন - ডব্লিউ, ডব্লিউ, ডব্লিউ ডট, নিউজ অন এআইআর ডট কম এবং নিউজ অন এআইআর অ্যাপ, এবং টুইটার অর্থাৎ এক্স প্ল্যাটফর্মে। আপডেট পেতে দেখুন আকাশবাণী নিউজ আগরতলা / ফেসবুকে এআইআর নিউজ আগরতলা এবং ইউ টিউবে এআইআর নিউজ আগরতলা।

VidyaJyoti School-Khowai :

শিক্ষা দপ্তরের উদ্যোগে দুটি প্রতিনিধি দল গতকাল খোয়াই জেলার মোট ১২টি বিদ্যাভ্যেতি স্কুল পরিদর্শন করেন। সিবিএসই-এর মাধ্যমিক এবং উচ্চমাধ্যমিক পরীক্ষায় এই সমস্ত বিদ্যালয়গুলিতে কেন আশানুরূপ ফলাফল হয়নি, সেবিষয়ে খোঁজ খবর নেন।

DYFI Deputation-Belonia :

বিদ্যাজ্যোতি স্কুলগুলির পরিকাঠামো উন্নয়ন, নেশার কবল থেকে যুব সমাজকে রক্ষা সহ ৮ দফা দাবিতে অতিরিক্ত জেলা শাসকের কাছে ডেপুটেশন দিয়েছে চার বামপন্থী সংগঠন। গতকাল ডেপুটেশনে উপস্থিত ছিলেন মধুসুধন দত্ত, সুকান্ত মজুমদার সহ অন্যান্যরা।

Super Four Cricket :

প্রথম ডিভিশন ক্রিকেটের সুপার ফোরের লড়াইয়ে উদ্বোধনী দিনে আজ দুটি ম্যাচ হবে। নরসিংগড় টি আই টি মাঠে হার্ভে ক্লাব খেলবে চলমান সংঘের বিরুদ্ধে এবং পুলিশ ট্রেনিং একাডেমি মাঠে কসমোপলিটন ক্লাব খেলবে পোলস্টার ক্লাবের বিরুদ্ধে। প্রতিটি ম্যাচ হবে দুদিনের। চারটি দলকে নিয়ে এই আসর রাউন্ড রবিন লিগে হবে।

Weather :

সামুদ্রিক ঘূর্ণিঝড় রেমালের প্রভাবে আজ থেকেই রাজ্যে বৃষ্টির সম্ভাবনা রয়েছে। রাজস্ব দপ্তরের অতিরিক্ত সচিব তমাল মজুমদার গতকাল প্রত্যেক জেলা শাসকের কাছে আগামী ২৮শে মে পর্যন্ত ঝড় বৃষ্টির সতর্কবার্তা পাঠিয়েছেন। তিনি সতর্কবার্তায় আগামী দু'দিন ব্যাপক ঝড় বৃষ্টির জন্য প্রস্তুতি নিতে জেলাশাসকদের বলেছেন। ভারতীয় আবহাওয়া দপ্তর জানিয়েছে, আগামীকাল মাঝরাতে সাগরদ্বীপ ও বাংলাদেশের খেপুপাড়ার মাঝে আছড়ে পড়তে পারে ঘূর্ণিঝড় রেমাল। মাটিতে আছড়ে পড়ার সময়

ঘূর্ণিঝড়ের গতিবেগ ১০০ থেকে ১২০ কিলোমিটার হতে পারে। এই সময়ে মিজোরাম, ত্রিপুরার উপর দিয়ে ঘন্টায় সর্বোচ্চ ৭০ কিলোমিটার বেগে ঝড়ো হওয়া বয়ে যেতে পারে। আগামী ২৬ ও ২৭শে মে মিজোরাম, ত্রিপুরা ও দক্ষিণ মণিপুরের কিছু স্থানে অতি ভারী বৃষ্টিপাতের সম্ভাবনা রয়েছে।

এদিকে, আগরতলার আবহাওয়া দপ্তর জানিয়েছে, আজ রাজ্যে বিক্ষিপ্তভাবে বজ্র বিদ্যুৎ সহ বৃষ্টির সম্ভাবনা রয়েছে। ভোরের সর্বনিম্ন তাপমাত্রা ছিল ২৬.৩ ডিগ্রী সেলসিয়াস। আজ রাজ্যে দিনের তাপমাত্রা সর্বোচ্চ ৩৬ ডিগ্রি সেলসিয়াস এর কাছাকাছি থাকতে পারে।
